



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი: ო63. 63251902

თარიღი: 09/07/2025

სამტრედიის მუნიციპალიტეტის საკრებულოს
ბიუროს სხდომის
ოქმი N 14

ქ. სამტრედია. 4 ივლისი, 2025 წელი.

2025 წლის 4 ივლისს, სამტრედიის მუნიციპალიტეტის საკრებულოს თავმჯდომარის მოვალეობის შემსრულებლის, ვაჟა სტურუას, თავმჯდომარეობით ჩატარდა, სამტრედიის მუნიციპალიტეტის საკრებულოს ბიუროს სხდომა.

სხდომას ესწრებოდნენ: ვაჟა სტურუა, ნათია პაპავა, მანანა სირბილაძე, მერაბ უღრელიძე, ტარიელ ცომაია, ირაკლი მელაშვილი, ლიზა კრავეიშვილი მ/შ. ტარიელ დვალიშვილი.

ასევე სხდომა ესწრებოდა:

1. საკრებულოს აპარატის მეორე კატეგორიის უფროსი სპეციალისტი, მრჩეველი გენდერული თანასწორობის საკითხებში, თამილა კეკელიძე.

დღის წესრიგი

1. სამტრედიის მუნიციპალიტეტის საკრებულოში, მერიიდან შემოსული წერილობითი მომართვების განხილვის შესახებ.

/მომხსენებელი: ვაჟა სტურუა/

2. სხვადასხვა.

კენჭისყრის შედეგად **(8 ხმით)**, მიღებულია დღის წესრიგი წარმოდგენილი სახით.

სხდომის თავმჯდომარემ ბიუროს წევრებს გააცნო:

1. **სამტრედიის მუნიციპალიტეტის მერის 2025 წლის 4 ივლისის** წერილობითი N62-622518572 მომართვა, რომელიც ეხება, ა(ა)იპ სამტრედიის მუნიციპალიტეტის **მოსწავლე-ახალგაზრდობის სახლი**-ს 2025 წლის სუბსიდიის გეგმაში ცვლილების შეტანის საკითხს. 2025 წლის სუბსიდიის გეგმა იზრდება 20.0 ათ.ლარით. ხარჯებში საქონელი და მომსახურების მუხლში თანხა იზრდება 20.0 ათ.ლარით. აღნიშნული ზრდა გამოწვეულია წლის მანძილზე დამატებითი

ღონისძიებათა ჩასატარებლად. კერძოდ, 10.0 ათ.ლარი - ზაფხულის პერიოდში მოსწავლე-ახალგაზრდობისათვის დაგეგმილი კონცერტისთვის, სცენისა და აპარატურის დასაქირავებლად. 10.0 ათ.ლარი - წმინდა ნაზარე ლეჟავას დღისადმი მიძღვნილი ღონისძიება, სამტრედიოების დღესასწაულთან მიძღვნილი კვირეული, ჩართულობა მუნიციპალურ ღონისძიებებში და ღია კარის დღე მოსწავლე-ახალგაზრდობის სახლში.

(მომართვის N62-622518572, 04/07/2025 წ. საკრებულოს რეგისტრაციის N:12-632518510 63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა განათლების, კულტურის, სპორტისა და ახალგაზრდულ საკითხთა კომისია.

2. **სამტრედიის მუნიციპალიტეტის მერის 2025 წლის 4 ივლისის** N62-622518566 წერილობითი მომართვა, რომელიც ეხება, ა(ა)იპ სამტრედიის მუნიციპალიტეტის „ეროსი მანჯგალაძის **სახელობის კულტურის ცენტრი**“-ს 2025 წლის სუბსიდიის გეგმაში ცვლილების შეტანის საკითხს. კულტურის ცენტრის ვაჟთა მგალობელ-მომღერალთა ჯგუფი მიწვეული იყო ფესტივალზე გერმანიის რესპუბლიკაში, რომლებმაც წარადგინეს სამტრედიის მუნიციპალიტეტი, აქედან გამომდინარე ეროსი მანჯგალაძის სახ.კულტურის ცენტრის ბიუჯეტის სუბსიდიის გეგმის მობილიზებით გაშვებული იქნა აღნიშნული ანსამბლი გასტროლზე. ზემოთ აღნიშნულიდან გამომდინარე, ბიუჯეტის სუბსიდიის გეგმის საქონელი და მომსახურების მუხლში თანხა იზრდება 27.0 ათ.ლარით.

(მომართვის N62-622518566, 04/07/2025 წ. საკრებულოს რეგისტრაციის N:12-63251856-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა განათლების, კულტურის, სპორტისა და ახალგაზრდულ საკითხთა კომისია.

3. **სამტრედიის მუნიციპალიტეტის მერის 2025 წლის 4 ივლისის** N62-622518569 წერილობითი მომართვა, რომელიც ეხება, ა(ა)იპ სამტრედიის მუნიციპალიტეტის „**საცხენოხნო სპორტული კლუბი**“-ს 2025 წლის სუბსიდიის გეგმაში ცვლილების შეტანის საკითხს. 2025 წლის დამტკიცებული სუბსიდიის გეგმა იზრდება 3.0 ათ.ლარით. კერძოდ არაფინანსური აქტივების მუხლში, არასაცხოვრებელი შენობების მიმდინარე შეკეთების ხარჯი იზრდება 3,0 ათ. ლარით. (თავლების ირგვლივ მოსაასფალტებლად, რადგან ცუდ ამინდში შეუძლებელია თავლებთან მისვლა).

(მომართვის N62-622518569 , 04/07/2025 წ. საკრებულოს რეგისტრაციის N:12-63251858-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა განათლების, კულტურის, სპორტისა და ახალგაზრდულ საკითხთა კომისია.

4. **სამტრედიის მუნიციპალიტეტის მერის 2025 წლის 4 ივლისის** N 62-622518561 წერილობითი მომართვა, რომელიც ეხება, ა(ა)იპ „**საზოგადოებრივი ჯანდაცვის** სამტრედიის ცენტრი“-ს 2025 წლის სუბსიდიის გეგმაში ცვლილების შეტანის საკითხს. კერძოდ, მიზნობრივი ტრანსფერის გეგმაში, საქონელი და მომსახურების გეგმა მცირდება 2.6 ათ.ლარით, შესაბამისად არაფინანსური აქტივების გეგმა იზრდება 2.6 ათ.ლარით. (კონდეციონერების მონტაჟის ხარჯი). ასევე, საკუთარი სახსრების გეგმაში, კერძოდ შრომის ანაზღაურების მუხლში თანხა მცირდება 1.45 ათ.ლარით, შესაბამისად საქონელი და მომსახურების მუხლში თანხა იზრდება 1.45 ათ.ლარით.

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა შრომის, ჯანმრთელობის დაცვისა და სოციალურ საკითხთა კომისია.

5. სამტრედიის მუნიციპალიტეტის მერის 2025 წლის 4 ივლისის N62-622518519 წერილობითი მომართვა, რომელიც ეხება, „სამტრედიის მუნიციპალიტეტის 2025 წლის ბიუჯეტიდან **სოციალური** დახმარების **გაცემის წესის ღონისძიებათა ხარჯების** დამტკიცების შესახებ“ შესატან ცვლილებებს. გაიზარდოს სოციალური დახმარების გაცემის წესის ღონისძიებათა ხარჯები - 66500 ლარით. კერძოდ, გაიზარდოს:

მუხლი 3. მოქალაქეთა სამედიცინო მომსახურება - 30 000 ლარით; (გაიზარდა მოქალაქეების რაოდენობა, რომლებიც საჭიროებენ კვლევას და სტაციონალურ მკურნალობას).

მუხლი 21. აუტისტური სპექტრის მქონე ბავშვთა რეაბილიტაცია - 20 000 ლარით; (გაიზარდა აუტისტური სპექტრის მქონე ბავშვთა რაოდენობა).

მუხლი 28. სამტრედიის მუნიციპალიტეტში რეგისტრირებული სახლდაზიანებული და უსახლკარო მოქალაქეების დახმარების პროგრამა - 16 500 ლარით; (სახლის მშენებლობის პროექტი შეიცვალა და შეიცვალა ფასები).

(მომართვის N62-622518519, 04/07/2025 წ. საკრებულოს რეგისტრაციის N:12-63251853-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა შრომის, ჯანმრთელობის დაცვისა და სოციალურ საკითხთა კომისია.

6. სამტრედიის მუნიციპალიტეტის მერის 2025 წლის 4 ივლისის N62-622518570 წერილობითი მომართვა, რომელიც ეხება, ა(ა)იპ სამტრედიის მუნიციპალიტეტის „**კომუნალური გაერთიანება**“-ს 2025 წლის სუბსიდიის გეგმაში ცვლილების შეტანის საკითხს. კერძოდ, ბიუჯეტი შემცირდება 50.0 ათ.ლარით და ნაცვლად 2775.4 ლარისა განისაზღვრა 2725.4 ათ.ლარით. კერძოდ 1. საქონელი და მომსახურების ხარჯის მუხლი მცირდება 50.0 ათ.ლარით, რაც გამოწვეულია გასანათებელი მოწყობილობების შესყიდვასთან დაკავშირებით მომწოდებლის მიერ ელექტრონულ ტენდერში ფასის დაკლების გამო; 2. შრომის ანაზღაურების ხარჯის მუხლი მცირდება 3.0 ათ.ლარით, შესაბამისად სოციალური უზრუნველყოფის ხარჯის მუხლში თანხა იზრდება 3.0 ათ.ლარით.

(მომართვის N62-622518570, 04/07/2025 წ. საკრებულოს რეგისტრაციის N:12-63251859-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა საფინანსო-საბიუჯეტო საკითხთა კომისია.

7. სამტრედიის მუნიციპალიტეტის მერის 2025 წლის 4 ივლისის N62-622518567 წერილობითი მომართვა, რომელიც ეხება, შპს „**სამტრედიის მაცნე**“-ს 2025 წლის სუბსიდიის გეგმაში ცვლილების შეტანის საკითხს. რედაქციას ესაჭიროება არქივის, დამხმარე და სამუშაო ოთახის სარემონტო სამუშაოები, ასევე საოფისე ინვენტარი, რისთვისაც საჭიროა 20.0 ათ.ლარი. შპს „სამტრედიის მაცნე“-ს რედაქცია ითხოვს 2025 წლის სუბსიდიის გეგმის გაზრდას. საქონელი და მომსახურების მუხლში თანხა იზრდება 20.0 ათ.ლარით. კერძოდ სხვა დანარჩენი საქონელი და მომსახურებაზე გაწეული ხარჯის მუხლში 8.0 ათ.ლარით ოთახების სარემონტო სამუშაოებისათვის და საოფისე ინვენტარის შესაძენად 12.0

ათ.ლარით.

(მომართვის N62-622518567, 04/07/2025 წ. საკრებულოს რეგისტრაციის N:12-63251857-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმზილველ კომისიად განისაზღვრა საფინანსო-საბიუჯეტო საკითხთა კომისია.

8. სამტრედიის მუნიციპალიტეტის მერის 2025 წლის 4 ივლისის N62-622518557 წერილობითი მომართვა, რომელიც ეხება, „სამტრედიის მუნიციპალიტეტის **2025 წლის ბიუჯეტის** დამტკიცების შესახებ“ სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილებაში შესატან ცვლილებებს. ასევე, გაცნობებთ, რომ „სტიქიის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2025 წლის 30 იანვრის №186 განკარგულებაში შეტანილი 2025 წლის 19 ივნისის №1004 ცვლილების თანახმად სამტრედიის მუნიციპალიტეტს სტიქიური მოვლენების შედეგების სალიკვიდაციო ღონისძიებების განხორციელების მიზნით, გამოყოფილი თანხის ოდენობა 600 000 (ექვსასი ათასი) ლარით განესაზღვრა. აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე“-პუნქტის „ე.ე“-ქვეპუნქტის, საქართველოს საბიუჯეტო კოდექსის 69-ე მუხლის პირველი, მე-2 და მე-5 ნაწილების „სამტრედიის მუნიციპალიტეტის ბიუჯეტით ვათვალისწინებული ასიგნების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის დამტკიცების შესახებ“ სამტრედიის მუნიციპალიტეტის საკრებულოს 2017 წლის 14 დეკემბრის №43 დადგენილების შესაბამისად, სამტრედიის მუნიციპალიტეტის მერის №62. 62251757 24/06/2025 ბრძანებით დაზუსტდა „სამტრედიის მუნიციპალიტეტის 2025 წლის ბიუჯეტის დამტკიცების შესახებ“, სამტრედიის მუნიციპალიტეტის საკრებულოს 2024 წლის 24 დეკემბრის N23 დადგენილება, კერძოდ: გაიზარდა (კოდი 02 01) გზების, ხიდების, ბოგირების და ინფრასტრუქტურის სხვა ღონისძიებების დაფინანსების არაფინანსური აქტივების ზრდის გეგმა - 600 000 ლარით. გთხოვთ, აღნიშნული მიიღოთ ცნობად.

(მომართვის N62-622518557, 04/07/2025 წ. საკრებულოს რეგისტრაციის N:12-63251855-63 04/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმზილველ კომისიად განისაზღვრა საფინანსო-საბიუჯეტო საკითხთა კომისია.

9. სამტრედიის მუნიციპალიტეტის მერის 2025 წლის 3 ივლისის N62-622518417 წერილობითი მომართვა, რომელიც ეხება, „2025 წელს სამტრედიის მუნიციპალიტეტის დასახლებებში საქართველოს რეგიონებში განსახორციელებელი პროექტების ფონდიდან, **სოფლის მხარდაჭერის პროგრამის** ფარგლებში დასაფინანსებელი პროექტების მოწონების შესახებ“, სამტრედიის მუნიციპალიტეტის საკრებულოს 2025 წლის 15 აპრილის №გ-63.63251058 განკარგულებაში ცვლილების შეტანის საკითხს. კერძოდ,

1. მელაურის ადმინისტრაციულ ერთეულში მერის წარმომადგენლის 2025 წლის 20 მაისის №01-6225140124 მოხსენებითი ბარათის მიხედვით, მელაურის ადმინისტრაციული ერთეულის სოფელ მიწაბოგირაზე პრიორიტეტად შერჩეული „სკვერისთვის მასალების შეძენის“ მაგივრად (ტექნიკური სირთულეების გამო) საჭიროა იგივე თანხით სამუშაოს შეძენა (ხარჯთაღრიცხვა - მასალებისა და შესაბამისი შრომის დანახარჯების ვათვალისწინებით).
2. დაბა კულაშში მერის წარმომადგენლის 2025 წლის 20 მაისის №01-6225140113 მოხსენებითი ბარათის მიხედვით, დაბა კულაშში მშვიდობისა და ბაგურის ქუჩების

კვეთაზე ხიდბოგირის მოსაწყობად ნაცვლად 4500 ლარისა საჭიროა 7000 ლარის სამუშაოების შესრულება, რაც შესაძლებელია დაბა კულაში ამბულატორიის სარეაბილიტაციო თანხის 8000 ლარამდე შემცირებით.

3. ღანირის ადმინისტრაციულ ერთეულში მერის წარმომადგენლის 2025 წლის 04 ივნისის №01-622515526 მოხსენებითი ბარათის მიხედვით, ღანირის ადმინისტრაციულ ერთეულში სოფელ ჭაგანში სანიაღვრე არხების რეაბილიტაციაზე ნაცვლად 10000 ლარისა საკმარისია 8500 ლარი, (მათ შორის 8293 ლარი სამუშაოების ღირებულება ხოლო 207 ლარი საპროექტო სამუშაოების ღირებულება) ხოლო გამოთავისუფლებული თანხა მიმართული იქნას სკვერის კეთილმოწყობის სამუშაოების გაზრდაზე, რაც ჯამში იქნება 7500 ლარი (მათ შორის, 7317 ლარი სამუშაოების ღირებულება ხოლო 183 ლარი საპროექტო სამუშაოების ღირებულება).

4. სოფელ ბაში მერის წარმომადგენლის 2025 წლის 05 ივნისის №01-6225156101 მოხსენებითი ბარათის მიხედვით, სოფელ ბაშის ამბულატორიის შენობის ფასადის და ოთახების რეაბილიტაციაზე განსაზღვრული 14400 ლარი უნდა შემცირდეს 3000 ლარით და დარჩენილ 11400 ლარიდან 11122 ლარი უნდა მოხმარდეს უშუალოდ სამუშაოების შესრულებას, ხოლო 278 ლარი საპროექტო დოკუმენტაციის შედგენას. გამოთავისუფლებული 3000 ლარი უნდა მოხმარდეს საბავშვო ბაღის ოთახების რეაბილიტაციას (მათ შორის, 2927 ლარი უშუალოდ სამუშაოების ღირებულება, ხოლო 73 ლარი საპროექტო დოკუმენტაციის შედგენას).

(მომართვის N62-622518417, 03/07/2025 წ. საკრებულოს რეგისტრაციის N:12-6325184001-63 03/07/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა ინფრასტრუქტურის საკითხთა კომისია.

10. **სამტრედიის მუნიციპალიტეტის მერის 2025 წლის 4 ივლისის** N62-622517742 წერილობითი მომართვა, რომელიც ეხება, „სამტრედიის მუნიციპალიტეტის 2025 წლის ბიუჯეტიდან **სოციალური დახმარების გაცემის წესის** დამტკიცების შესახებ“, სამტრედიის მუნიციპალიტეტის საკრებულოს 2025 წლის 10 თებერვლის №2 დადგენილებაში ცვლილების შეტანის საკითხს. ცვლილების მიხედვით, „სამტრედიის მუნიციპალიტეტის 2025 წლის ბიუჯეტიდან სოციალური დახმარების გაცემის წესი“-ს 28-ე მუხლში დაემატება ვალდებულება, რომ მესაკუთრე ვალდებულია 10 წლის განმავლობაში არ განკარგოს სამტრედიის მუნიციპალიტეტის მერიის მიერ აშენებული მცირე ფართიანი საცხოვრებელი სახლი და მიწის ნაკვეთი, რომელზედაც განხორციელდა სახლის მშენებლობა, რაზედაც პროექტის განხორციელების დაწყებამდე გაფორმდება ურთიერთშეთანხმების აქტი.

(მომართვის N62-622517742, 26/06/2025 წ. საკრებულოს რეგისტრაციის N:12-63251772-63 26/06/2025 წ.)

კენჭისყრის შედეგად, ბიუროს წევრთა გადაწყვეტილებით, განმხილველ კომისიად განისაზღვრა იურიდიულ, ადამიანის უფლებათა დაცვის, საპროცედურო და სამანდატო საკითხთა კომისია.

სხდომის თავმჯდომარემ აღნიშნა, რომ განხორციელდა ცვლილებები კანონში „გენდერული თანასწორობის შესახებ“. კანონის სათაურში და ტექსტში ტერმინი „გენდერული თანასწორობა“ იცვლება „ქალისა და მამაკაცის თანასწორობით“. გარდა ამისა, კანონიდან ხდება იმ ნორმის ამოღება, რომელშიც მოცემულია ტერმინ „გენდერის“ განმარტება. ცვლილების შესაბამისად, უქმდება საქართველოს პარლამენტში გენდერული თანასწორობის მუდმივმოქმედი საპარლამენტო საბჭოს, ავტონომიური

რესპუბლიკების უმაღლესი წარმომადგენლობით ორგანოებში გენდერული თანასწორობის საბჭოსა და მუნიციპალიტეტებში გენდერული თანასწორობის საბჭოს შექმნის ვალდებულება. კანონის მე-13¹ მუხლის შესაბამისად, მუნიციპალიტეტის საკრებულო მუნიციპალიტეტში ქალთა და ბავშვთა საკითხებზე სისტემური მუშაობისა და საქართველოს მთავრობის მიერ შექმნილ ქალისა და მამაკაცის თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიასთან კოორდინირებული მუშაობის უზრუნველსაყოფად, ქმნის ქალთა და ბავშვთა საკითხებზე მომუშავე მუნიციპალურ საბჭოს, რომლის შემადგენლობა, სტატუსი, ფუნქციები და უფლებამოსილება განისაზღვრება მუნიციპალიტეტის საკრებულოს რეგლამენტითა და ქალთა და ბავშვთა საკითხებზე მომუშავე მუნიციპალური საბჭოს დებულებით, რომელსაც ამტკიცებს საკრებულო.

აღნიშნულიდან გამომდინარე, საკრებულოს იურიდიულ, ადამიანის უფლებათა დაცვის, საპროცედურო და სამანდატო საკითხთა კომისიის ინიციატივით, ბიუროსა და საკრებულოს სხდომაზე განსახილველად გამოვა 4 საკითხი (დადგენილების პროექტები):

1. სამტრედიის მუნიციპალიტეტის ქალთა და ბავშვთა საკითხებზე მომუშავე მუნიციპალური საბჭოს შექმნისა და მისი დებულების დამტკიცების შესახებ.
2. „სამტრედიის მუნიციპალიტეტის საკრებულოს აპარატის დებულების დამტკიცების შესახებ“, სამტრედიის მუნიციპალიტეტის საკრებულოს 2018 წლის 4 ივნისის N 25 დადგენილებაში ცვლილების შეტანის თაობაზე.
3. „სამტრედიის მუნიციპალიტეტის საკრებულოს რეგლამენტის დამტკიცების შესახებ“, სამტრედიის მუნიციპალიტეტის საკრებულოს 2018 წლის 26 იანვრის N6 დადგენილებაში ცვლილების შეტანის თაობაზე.
4. „სამტრედიის მუნიციპალიტეტის საკრებულოს პოლიტიკური თანამდებობის პირთა და საკრებულოს აპარატის მოსამსახურეთა რანგირების, სამტატო ნუსხისა და თანამდებობრივი სარგოების დამტკიცების შესახებ“, სამტრედიის მუნიციპალიტეტის საკრებულოს 2021 წლის 20 დეკემბრის N22 დადგენილებაში ცვლილების შეტანის თაობაზე.

ამით, დღის წესრიგით გათვალისწინებული საკითხების განხილვა დასრულებულია.

სხდომის მდივანი: მაია დოღობერიძე.

ვაჟა სტურუა

სამტრედიის მუნიციპალიტეტის საკრებულო-სამტრედიის მუნიციპალიტეტის საკრებულოს თავმჯდომარე (დროებით მოვალეობის შემსრულებელი)

გამოყენებულია კვალიფიციური ელექტრონული ხელმოწერა/ ელექტრონული შტამპი

